

御製養正圖讚



御製養正圖讚

寢門視膳

稽古文王允稱達孝日三問安萬世垂教出於自然聲音笑貌子職勤思竭誠仿倣

膳斥鮑魚

賢傅輔儲起居同處鮑魚異常勿令登俎小節不踰大德就緒匡正自童聖功無阻

振貸貧民

聞善卽行抒於誠悃民足國安上盈下損發政施仁必先立本天下平均思深慮遠

御製養正圖讚

丹書受戒

齋戒三日面述丹書敬畏邦固怠忽國除公義永守私欲全祛萬古君鑑景仰殷予


聽朝四輔

四聖輔主周室日興成王中立道充弼承磨礪漸染從善服膺進賢遠佞惕若繼繩

桐葉封虞

削桐爲珪手授少弟史佚命封唐侯卜世君無戲言絲綸所繫聞善必從允稱哲睿

亟用賢人



有爲之主見與眾殊得賢亟用卓識不拘舉火授爵心
悅誠輸略小取大進善良謨

戒君節飲

上下聯情酒以成禮火繼樂酣留連失體卜夜力辭言
有根柢觀國嘉賓八世大啓

善言格天

君與臣民原同一體何忍移災願以身俟片言感通三
舍退徒實政應天咎徵自弭

自結履繫

履解自結不敢慢人愛敬國士勉勵庶臣言雖近譎智
御製養正圖讚

二

罕等倫終成霸業周室懿親

夫婦如賓

夫耨婦饁相待如賓敬爲德聚德以治民閑邪守禮存
誠體仁王化之始慎獨明倫

託相獻規

觀友知君方以類聚進賢信邪吉凶自取政順國安誠
求良輔善相獻言宜循法矩

廷理執法

法嚴國強豈阿貴近有犯必懲紀綱不紊戮御斬轉太
子懷愠避舍知愆善承父訓

仁言動眾

策騎巡軍一言眾感如挾纊温寒威頓斂共苦同甘披
肝瀝膽恩信咸孚皆成勇敢

因樂求賢

升臺望遠其樂甚微求賢輔翼充實光輝德義篤好圖
治庶幾繼文復霸從善不違

得賢弭盜

善者日親不善自遠位授上卿盜賊皆遯舉賢去邪爲
政大本勿貳勿疑盡抒忠悃

敬器示戒

御製養正圖讚

三

古聖垂訓理足義深周廟敬器觸目警心虛傾滿覆中
正咸臨能損斯益法言永欽

金人示戒

銘背金人慎言大旨勿逞狂談妄肆譽毀言必有中去聲
辭寡意美若盡三緘失之遠矣

賤貨尊賢

鳴玉賓筵白珩言昧簡子失辭王孫善對玩好細微奚
足珍愛所寶惟賢聖經記載

泣思直臣

泣憶敢言飲酒不樂緘嘿日衰誠求審諤聞過必更豁

達大略納諫力行德業淵博

詢求政術

政術有三忠信勇敢事君無欺施令知感去邪不疑勿爲搖撼治理可希善言曠覽

誅絕佞人

信用佞人六年之久未進賢良黜善增咎投畀洪波揚清洗醜除惡毅然識高立剖

咨訪相材

君子小人各有類聚欲用相臣視其所舉文侯咨詢李克善語賢否判然治功循序

御製養正圖讚

四

式閭禮士

車過門閭伏軾起敬義富德光隱居知命致祿時詢好忠好正能退秦兵禮賢息競

政術諭下

政有三要全功成名親賢布義實踐躬行手辨尤切由晦而明綜核諳練治道日精

雨不失期

適野乘驄親傳罷獵因雨失期中心未愜不耽晏安下情上接守信無欺民和政協

旌賢去姦

聽言觀行信而有徵虛美無據實政堪稱封賢烹佞法
肅國興忠邪足證毀譽難憑

傲袴待功

國君笑嘖不可不慎賞僭忘恩眾玩失信重施勸勞人
咸奮進傲袴酬功語殊鄙悖

井窺示警

誇譽貌揚窺井實醜宜聽正言勿惑佞口遠屏阿諛登
進益友以古鑑今淵衷虛受

教子務學

馬上創基修文圖治能慕真儒允稱上智教子親賢務
御製養正圖讚

學博識六經心殫四表光被

五

條陳故事

故事宜循先哲樹建率由力行監于成憲妄用更張益
生枝蔓魏相敷陳守基要論

嘉獎勤學

勤學髫年文辭法律加冠遺歸長仍放佚入繼漢基舊
章咸失慎簡元良循名責實

下車問疾

選擇宿儒授經及早辨論精腴日夕研討問疾下車尊
師重道知本信賢基業永保

遣使質疑

包咸傳儲夙有令聞顯宗敬恭勤學好問遣使詢咨賜
珍逾分莅政不疑獲于古訓

愛惜郎官

館陶乞恩明帝守義一官未俞萬錢立賜不可假人唯
名與器爵濫民殃政亡國棄

託物喻政

太守求賢躬逢奇遇拔薤捧盂抱兒當戶叶開門恤孤
清心去蠹奚用煩言妙喻善悟

禮聘遺賢

御製養正圖讚

六

元纁束帛禮聘樊英降殿設席致敬盡誠延問得失備
極恩榮未聞實政徒受虛名

師事名賢

求師林宗辭簡理足朝夕觀摩親承啓沃素絲近朱光
輝朗燭穎異不羣見超流俗

教子讀書

小善必爲小惡勿作漢書勤探研鍊法略命學申韓難
救孱弱終於淪亡鄙哉安樂

傷指自悲

八齡知書挑菜傷指豈痛而悲別有意旨身體受親不

敢稍毀稟賦聰明達孝之始

運甓習勞

朝暮運甓自儆怠荒習勞身健視爲故常安逸則弱磨鍊日強法天行健無逸不遑

不賣的盧

相馬經傳的盧妨主賣去雖欣買者太苦移禍於人奚如自取哲士立心擇仁師古

觀穫進規

觀穫云快至此力殫三時耕耨農事艱難克念胼胝毋耽晏安知依無逸邇治大端

御製養正圖讚

投籤警寐

創業知艱曷敢自滿投籤警眠席不暇煖興由力勤敗因疎懶屢省乃成切戒怠緩

弓矢喻政

彎弧多年未知原委物尙如斯况於治理一人萬幾豈可自恃兼聽並觀盡善盡美

開館親賢

開館弘文聚書萬卷延納六賢講論墳典稽古居今責難陳善治道日隆史冊光顯

習射殿廷

海宇承平恐生怠玩安不忘危治不忘亂習射於廷精
勤勇幹禦侮千城邦家屏翰

崇師問道

魏王拜師首問忠孝立身成名性功至教爲善存心東
平宜效事親事君咸得其要

上書減膳

太子內居宮臣稀見文偉直言書過減膳示警不阿省
愆嘉歎好學尊賢基於弱冠

觀圖自警

屏書無逸朝夕心模漸忘警戒山水代圖心旣怠惰圖
御製養正圖讚

亦荒蕪慎終如始爲政善謨

八

煮藥然鬢

五王同居素敦友愛煎藥得痊然鬢何礙手足義深見
理不昧親親意誠史書詳載

克己任賢

用蕭順旨相韓知非臨鏡不樂逢迎肆誹克己信直貌
瘦國肥始勤終怠幸蜀無依

獎勸循良

念切民生自擇刺史遣使分巡肆爲譽毀登樓賜卮褒
獎寇泚得賢治成深知道揆

樂受格言

徵聘處士兩言敷陳治世大要首先愛民健行不息寡
欲養身書屏時覽辭簡理純

散遣宮人

因災省愆宏仁雅量徧籍後宮百人遣放宜室宜家全
消怨曠和氣致祥羣生咸暢

遵守舊章

置甕投書滿卽焚棄成法講求舊章不易無稽之言何
益政治忠告恐湮義未詳備

論字知非

御製養正圖讚

九

論德輔儲善道宜述書法雖佳六藝之一旦言知先緝
熙宥密基命東朝慎選良弼

常讀論語

賢相讀書論語探討節用愛人心存懷保未能躬行時
習悟道先聖格言豈尙華藻

焚香告天

鐵面立朝糾彈曲枉出任成都琴鶴偕往拜告穹蒼昭
明在上理順心安不愧俯仰

借事納忠

聖賢法誠具在經書繪圖進獻益闡嘉謨準時酌古善

行廣敷養正郵治勉守德隅

御製養正圖讚



十

